

IN ARLEF, IL SERVIZI CIVÎL AL FEVELE FURLAN

*Doi puescj par zovins voluntaris impegnâts te progjetualitât de Agenzie.
Domandis dentri dai 26 di Jugn.*

Ai 26 di Jugn, aes 14.00, al scjât il tiermin par candidâsi a fâ il servizi civîl in ARLeF. I zovins in servizi a saran impegnâts in ativitâts istituzionâls di promovion de lenghe furlane e a colaboraran cun chei altris components dal grup di vore de Agenzie in funzion dai progjets di promovion che a saran ativâts vie pal an. A saran presints in events specifics, a colaboraran ae creazion e ae difusion di gnûf materiâl informatîf cu lis lôr ideis e propuestis e a saran di supuart aes iniziativis che a podaran jessi inviadis de ARLeF dilunc dai mêis.

A puedin partecipâ ae selezion i citadins europeans, oms e feminis che, ae date di presentazion de domande, a vedin finît 18 agns e no vedin passât i 28. In particolâr, si domande la cognossince de lenghe furlane, cognossincis informatichis di base, buinis capacitâts di comunicazion. La sede dal servizi e sarâ chê de ARLeF, a Udin e la durade di 12 mêis, fin a un massim di 1.400 oris. Ai voluntaris ur spiete un assegn mensîl di 433,80 euros a net.

La domande di partecipazion aes selezions, compagnade di une fotocopia di un document di identitât personâl valit e de schede dai dâts relatîfs ai titui, e larâ indreçade ae ARLeF (vie della Prefettura 13, 33100 Udin, tel. 0432 555812) e e varâ di rivâ dentri des 14.00 dai 26 di Jugn dal 2017. Si pues presentâ dome une domande di partecipazion par un unic progjet di Servizi civîl nazionâl, di sielzi tra chei che a son dentri tal bant nazionâl o tai bants regjonâi, se no si ven escludûts.

La domande e podarâ jessi inviate vie PEC ae direzion arlef@certgov.fvg.it; vie raccomandade A/R o consegnade a man.

Par informazions di pues scrivi a william.cisilino@regione.fvg.it

o fâ riferiment ai sîts

www.arlef.it

www.infoserviziocivile.it

www.serviziocivile.gov.it.

Udin, al 1 di Jugn dal 2017

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<